



Republika e Kosovës – Republika Kosova – Republic of Kosova
KOMUNA JUNIK – OPŠTINA JUNIK – MUNICIPALITY JUNIK

KOMITETI PER POLITIKË DHE FINANCA

Kuvendi Komunal-Junik

Nr. 02-09-23

Datë: 21. 09. 2023, ora 10⁰⁰

PROCESVERBAL

Mbi Mbledhjen e Nëntë të Rregullt të Komitetit për Politikë dhe Financa në Junik, të mbajtur me datë 21 Shtator, 2023, në orën 10⁰⁰, në lokalet e Kuvendit Komunal në Junik.

Të pranishëm në këtë mbledhje ishin anëtarët e këtij Komiteti si në vijim:

1. Shpejtim Gacaferi, kryesues (LDK),
2. Ermelinda Lolluni, përfaqësuese (LDK),
3. Rajmonda Krasniqi, përfaqësuese (AAK), dhe
4. Dervish Bajraktari, përfaqësues (AAK),

Në këtë mbledhje mungoi anëtar i z. Xhemë Tofaj, përfaqësues i LVV.

Poashtu, të pranishëm në këtë mbledhje ishin edhe kryetari Komunës z. Ruzhdi Shehu, drejtoresha për Buxhet dhe Financa znjsh. Vjollca Qestaj, zyrtari i lartë financiar z. Arten Hamza, drejtori për Urbanizëm, Kadastër dhe Mjedis z. Zenun Shala drejtori për Shëndetësi z. Fatos Shala, drejtoresha për Administratë të Përgjithshme znjsh. Leonora Shehu, drejtoresha për Zhvillim Rural znjsh. Gentiana Tofaj, si dhe përfaqësues të KFOR-it Italian në Kosovë.

Mbledhjen e Nëntë të Rregullt të Komitetit për Politikë dhe Financa e shpalli të hapur kryesuesi i këtij Komiteti, z. Shpejtim Gacaferi, i cili ceku se të pranishëm në këtë mbledhje janë katër anëtarë të KPF-së.

Kryesuesi z. Shpejtim Gacaferi kërkoj miratimin e Rendit të Ditës, si në vijim;

1. Arsytimi i mungesave në mbledhje
2. Formimi i Grupit të Punës për hartimin e Projekt Planit të Punës së Kuvendit të Komunës së Junikut për vitin 2024,
3. Shqyrtimi dhe miratimi i Projekt Buxhetit të Komunës së Junikut për vitin 2024/2026,
4. Shqyrtimi dhe miratimi i kërkesës për Ri-alokim të mjeteve në kuadër të kategorisë së shpenzimeve kapitale, dhe
5. Pyetje të ndryshme nga anëtarët e Kuvendit.

Ky Rend i Ditës u miratua me katër vota për, asnjë kundër, dhe asnjë abstenim nga anëtarët e KPF-së.

Pika e Parë **Arsyetimi i mungesave në mbledhje**

Kryesuesi z. Shpejtim Gacaferi tha se në këtë mbledhje mungon anëtari i KPF-së, z. Xhemë Tofaj, ndërsa për arsyen e mungesës nuk jam i informuar!

Pika e Dytë **Formimi i Grupit të Punës për hartimin e Projekt Planit të Punës së Kuvendit të Komunës së Junikut për vitin 2024**

Kryesuesi z. Shpejtim Gacaferi tha, është si rregull që çdo fundvit të formojmë këtë komision për hartimin e planit të punës për vitin e ardhshëm. Ky grup punues përbëhet nga pesë anëtarë, ndërsa u vendos që propozimet të vijnë në Kuvend.

Z. Shpejtim Gacaferi ceku që përbërja e këtij grupi të punës të bëhet nga pesë anëtarë, ku kryesuesi shkon me automatizëm, një anëtarë është nga ekzekutivi, ndërsa tre nga subjektet politike.

Anëtarët e KPF-së u pajtuan që z. Shpejtim Gacaferi të jetë kryesuesi i këtij Grupi të Punës, znjsh. Leonora Shehu të jetë nga Ekzekutivi i Komunës, ndërsa tre anëtarët tjerë të propozohen në mbledhjen e ardhshme të Kuvendit.

Ky propozim u miratua me katër vota për, asnjë kundër dhe asnjë abstenim.

Pika e Tretë **Shqyrtimi dhe miratimi i Projekt Buxhetit të Komunës së Junikut për vitin 2024/2026**

Z. Shpejtim Gacaferi tha, kërkohet që çdo vit në muajin Shtator të shqyrtohet buxheti nga KPF-ja dhe me 30 Shtator Kuvendi duhet ta miratoj buxhetin.

Kemi pasë katër dëgjime buxhetore me publikun të cilat i kemi organizuar ne së bashku me drejtorinë për Buxhet dhe Financa, ndërsa fjalën e kaloj të kryetari z. Ruzhdi Shehu i cili tha, procesi dëgjimor iu ka nënshtruar debateve dhe diskutimeve me qytetarë dhe grupe tjera, siç është grupi i grave, si dhe propozimeve individuale, dhe grupeve të interesit të komiteteve, por kemi pasur dëgjime edhe në KPF dhe të gjitha janë marrë parasysh, dhe jemi munduar që të planifikojmë një buxhet që është i ekzekutueshëm dhe që është në interes të qytetarëve të Komunës së Junikut.

Kemi planifikime të këtij buxheti për vitin 2024, 2025 dhe 2026, dhe presim edhe përkrahjen e donatorëve për bashkëfinancimin e projekteve të ndryshme të cilat do të jenë prioritet i Komunës.

Kryesuesi z. Shpejtim Gacaferi për shpjegim të buxheti për vitin 2024 fjalën ia kaloi zyrtarit të lartë financiar z. Arten Hamza, i cili tha, sa i përket planifikimit të buxhetit për vitet 2024-2026 sipas ligjit për menaxhimin e financave publike dhe udhëzimeve nga niveli qendror, siç jeni të informuar procesi ka filluar që nga muaji Maj i këtij viti, dhe fillimisht e kemi pranuar Qarkoren e Parë Buxhetore në Maj të këtij viti, ku përcaktohen grantet e financimit dhe ndahen mjetet që për secilën organizatë buxhetore për buxhetin e viteve në vazhdim. Sipas kësaj në total grantet janë 2,199,836.00 €, nga kjo granti i përgjithshëm është 1,103,827.00 €, i Arsimit 544,726.00 €, i Shëndetësisë 343,227.00 € dhe të Hyrat Vetanake 208,056.00 €. Pra, në total financimi i Komunës së Junikut nga grantet parashihet të jetë 2,199,836.00 €.

Z. Hamza në vazhdim tha, pas pranimi të Qarkores së Parë Buxhetore ne kemi qenë të obliguar që në fund të muajit Qershor ta miratojmë Komizën Afatmesme Buxhetore dhe ta dërgojmë në nivelin qendror, ku paraprakisht kemi mbajt një dëgjim buxhetor në Qershor për diskutimet rreth projekteve të përcaktuara në KAB, e cila është miratuar dhe dërguar në nivelin qendror.

Në muajin Gusht ka pasuar Qarkorja e Dytë Buxhetore, në të cilën ndahen mjetet nëpër kategoritë ekonomike, të cilat z. Hamza i shpjegoj në shifra, ku shuma e përgjithshme është e njëjtë me Qarkoren e Parë Buxhetore, pra 2,199,836 €.

Këtu kemi dallime nga kërkesat e KAB-it që i kemi prezantuar në Qarkoren e Dytë Buxhetore, por ne jemi të obliguara që t'i zbatojmë dhe t'i përmbushim kriteret që përcaktohen në Qarkoren e Dytë Buxhetore. Pas pranimit të Qarkores së Dytë Buxhetore jemi të obliguar që të mbajmë dëgjime publike dhe kemi mbajtur dy të tilla si ekzekutiv. Një dëgjim ka qenë i specifikuar vetëm për grante të Komunës së Junikut, dhe një tjetër që është mbajtur me të gjithë qytetarët është organizuar nga ekzekutivi, kurse pas pranimit të projekt-buxhetit KPP-ja ka mbajtur edhe një dëgjim tjetër publik me 15 Shtator, dhe më këtë është përmbyllur procesi i dëgjimeve publike, dhe janë përmbyllur të gjitha procedurat që kërkohen me ligj për planifikimin e procesit buxhetor. Ne si ekzekutiv, kryetari bashkë me stafin e tij ka dërguar një draft të projekt-buxhetit komunal në Kuvend, ndërsa në këto tabela që i keni ju, ka një ndryshim.

Në vazhdim z. Arden Hamza lexoj projektet kapitale për vitet 2024, 2025 dhe 2026 dhe shumat e ndara për këto projekte, ku përshihen edhe projektet e parcalizuara të vitit paraprak.

Z. Dervish Bajraktari tha, unë flas në emër të grupit të Kuvendit të AAK-së, është fjala të financimi vjetor i investimeve kapital komune për vitin 2024, bashkëfinancimi projekteve në vlerë prej 102,458.00 € të cilat nuk dimë se ku shkojnë, pastaj vendosja e kamerave të sigurisë në Komunën e Junikut prej 25,000.00 €, edhe pse ato janë të vendosura, që ne e konsiderojmë që është shumë e madhe.

Kemi si kërkesë shtesë që të bëhet ri-konstruimi i rrjetit kryesor të ujësjellësit në lagjen "Agim Ramadani", që ka qenë premtim në kohën e fushatës elektorale, e cila nuk figuron në listën e projekteve për vitin 2024, dhe ne kërkojmë që të hynë si projekt për vitin 2024, poashtu emërtimi i rrugëve dhe ndriçimi publik në Komunën e Junikut.

Kryetari z. Ruzhdi Shehu tha, ne kemi marrëveshje me kompaninë "Hidro Drini" dhe do të bëhet ndërtimi i gypave, është duke u incizuar gjendja në terren, do të investohet dhe do të kryhet ky projekt së bashku me "Hidro Drini", pra me bashkëfinancim.

Të çështja e sigurisë, ne kemi nevojë që siguria në Komunën e Junikut të jetë në nivel, prandaj kamerat e sigurisë janë të domosdoshme, si dhe ndriçimi publik janë kërkesat kryesore për sigurinë e të gjithë qytetarëve të Komunës së Junikut.

Z. Dervish Bajraktari tha, unë e di se këto janë për çështje sigurie, mirëpo kamerat janë të vendosura që nga qeverisja e kaluar, por me sa di unë ato vetëm që nuk funksionojnë, dhe mendoj se 25,000.00 € janë shumë vetëm që ato të hyjnë në funksion.

Z. Ruzhdi Shehu tha, asnjë kamerë e sigurisë nuk funksionon, prandaj këto janë mjete për funksionalizimin e tyre.

Z. Dervish Bajraktari tha, unë kam edhe një kërkesë nga banorët e lagjes sime, pra lagjes "Bajraktar", që të bëhet hapja e rrugës fushore, si projekt për vitin 2024, ndërsa pyeti për funksionalizimin e stacionit të autobusëve dhe për rrethojën e shkollës në shumën prej 7,000.00 € se a janë të nevojshme për shpenzim?

Z. Ruzhdi Shehu tha, është në interes që të bëhet qasja e kontrolluar në stacionin e autobusëve, në mënyrë që shërbimet të mbikëqyren dhe të jenë më të sigurta, si dhe rrethoja e shkollës që bëhet për sigurinë e nxënësve të jetë sipas standardeve.

Z. Zenun Shala shpjegoi se emërtimi i rrugëve është bërë dhe ka dalë në gjeoportale, mirëpo ne kemi një marrëveshje të nënshkruar me Agjensionin Kadastral të Kosovës, i cili ka premtuar se deri në Mars të vitit të ardhshëm do të vendosen tabelat e emërtimeve nëpër të gjitha rrugët e Junikut.

Kryesuesi z. Shpejtim Gacaferi hodhi në votim buxhetin, i cili me dy vota për, një kundër dhe një abstenim u miratua nga KPP-ja.

Pika e Katërt

Shqyrtimi dhe miratimi i kërkesës për Ri-alokim të mjeteve në kuadër të kategorisë së shpenzimeve kapitale

Z. Shpejtim Gacaferi tha, kemi tepriçë të mjeteve të një projekt i cili bartë edhe kodin nga të hyrat vetanake, prandaj kërkohet që kjo shumë prej 3,439.25 € të bartet në një projekt tjetër, dhe për këtë fjalën e kaloj te z. Arten Hamza, i cili tha, bazuar në ligjin e buxhetit të vitit 2023, lejohet ri-alokimi i mjeteve të mbetura buxhetore, dhe me arsyetim dhe kërkesë nga drejtori i Urbanizmit është kërkuar që të ndryshohen dy projekte. Nga të hyrat vetanake është kërkuar që projekti i kanalizimit sekondar për ujërat e zeza në lagjet "Bajraktar, 7 Shtatori dhe në Qendër" të bartet vlera e mjeteve prej 3,439.25 € dhe të ri-alokohen në të njëjtin nënprogram në Urbanizëm, në projektin "ri-konstruimi i rrugës Gaxherr-Bajraktar". Arsyeshmëria e kësaj është se ky projekt me ligjin e buxhetit të vitit 2023 është planifikuar në vlerë prej 140,000.00 € dhe është ekzekutuar kontrata në vlerë prej 137,395.00 €, pra kontrata ka qenë e nënshkruar. Janë kryer punimet dhe është bërë pagesa prej 137,395.00 €, mirëpo në fazën përfundimtare nga operatori është kërkuar që të ketë punë shtesë, të cilat janë pranuar nga menaxheri i kontratës në vlerë prej 6,044.25 €, por kjo akoma nuk është miratuar, me arsyetimin se nuk ka pasë mjete të mjaftueshme. Pra, për mundësimin e këtyre punimeve shtesë pas nënshkrimit të kontratës për projektin kanalizimi sekondar për ujërat e zeza, projekt i vitit 2023 në vlerë prej 50,000.00 €, kontrata e nënshkruar për këtë projekt është 43,375.00 €, d.m.th. mbetin te lira 6,625.00 €, që është krijuar hapësira ligjore që mjetet e mbetura prej 6,625.00 € t'i marrim 3,439.25 € dhe nga ky projekt të barten në projektin "ri-konstruimi i rrugës Gaxherr-Bajraktar" që të përmbushet vlera prej 6,044.25 €, në mënyrë që të miratohen punës shtesë dhe të përfundohet si projekt, por kërkohet që kjo procedurë të miratohet edhe përmes Kuvendit Komunal, dhe të dërgohet edhe në Ministrinë e Financave, ku ata i bëjnë rregullimet e nevojshme, dhe ne kemi mundësinë që ta ekzekutojmë sipas këtyre ndryshimeve.

Z. Dervish Bajraktari pyeti se cilat janë punët shtesë që i ka kryer kompania?

Z. Zenun Shala tha, sipas menaxherit të projekti punës shtesë janë; hapja e kanaleve anësore të rrugëve, shtresa e zhavorrit me fraksion 31, në gjatësi prej 19 metrave, largimi dhe prerja në formë të drejt këndore e asfaltit ekzistues, gërryerja e sipërfaqes-shtresës 137.5 m punimi i kanalit të ujitjes me gjatësi prej 6 m shtesë, furnizimi dhe bartja e punimit me rrjeta 15x15 me peshë 120 kg, furnizimi i transportit dhe lercja me emulsion 137 m², furnizimi dhe punimi i shtresës me asfalt AB-16 për 137.5 m² dhe asfaltimi i gropave nga pozicioni 1.2 me shtresë bito-zhavorr 290 m², në vlerë monetare totale për këto punë shtesë është 6,044.25 €.

Kjo pikë u miratua me katër vota për, asnjë kundër dhe asnjë abstenim.

Pika e Pestë

Pyetje të ndryshme nga anëtarët e Kuvendit

Z. Dervish Bajraktari e kërkoj fjalën dhe tha, unë desha të sqarohem se ne kërkojmë ta shohim si projekt rrjetin kryesor të ujit të pijes në lagjen "Agim Ramadani", pastaj hapja e rrugës fushore në lagjen "Bajraktar". Pra, kërkojmë që këto dy projekte të vijnë në Kuvend si projekte për investime kapitale, dhe ne me kënaqësi do ta votojmë buxhetin.

Z. Ruzhdi Shehu tha, ne kemi bisedar dhe ky projekt do të finalizohet dhe e kemi paraparë në bashkëfinancim të projekteve për shkak se rriten asetet e ndërmarrjes publike, kjo bien në kundërshtim me ligjin për financat publike, por ka hyrë si projekt me bashkëfinancim.

Z. Arden Hamza tha, unë dua të sqaroj se bashkëfinancimi për momentin nuk është marrëveshje e nënshkruar. Kjo është iniciative që të kryhet ato lloje të projekteve, qofshin ato të ministrive të linjës dhe kërkojnë bashkëfinancim, dhe në këtë rast ne nuk mundemi ta bëjmë pa e pasë marrëveshjen ta prezantojmë si projekt sepse mundet të na dështoj, të na shkoj në suficit. Pra, nëse nuk nënshkruhet marrëveshja e bashkëfinancimit ky projekt nuk mund të realizohet. Por nëse ne i kemi mjetet tona dhe dëshirojmë ta kryejmë vet me buxhetin tonë sikur të projektet tjera e kishim vendosë të projektet tjera, mirëpo tentativa është që ai projekt të kryhet me bashkëfinancim.

Z. Dervish Bajraktari tha, ne kërkojmë dëshmi që ky projekt do të hyjë në listë, sepse në atë listë ka projekte që nuk do të realizohen kurrë!

Z. Ruzhdi Shehu tha, unë e marrë përgjegjësinë për kryerjen e këtij projekti, por na duhet nënshkrimi i kësaj marrëveshjeje, ndërsa tha, ne kemi angazhuar firmën "Hidro Drini" që të bëjë paramasën dhe parallogarinë për projektin, dhe jemi të gatshëm që ta finalizojmë këtë projekt, i cili tashmë ka filluar.

Me kaq, kryesuesi z. Shpejtim Gacaferi e shpalli të mbyllur mbledhje e nëntë të KPF-së.


Gëzim Geci-Procesmbajtës


Shpejtim Gacaferi-Kryesues